

Albert Willebrand

Rector Universitatis Rostochiensis Albertus Willebrandt/ U.I.D. Cod. Prof. & Ducal. Consist: Assessor, Ad Solennitatem Sancti Michaelis Angelorum Principis Aliorumque Beatissimorum Spirituum Summa cum devotione recolendam, Omnes omnium Ordinum Cives Academicos Amice invitat, ac serio adhortatur

Rostochii: Kilius, [1660]

<http://purl.uni-rostock.de/rosdok/ppn735634904>

Druck Freier  Zugang



RECTOR
UNIVERSITATIS ROSTOCHIENSIS
ALBERTUS Willebrandt / U. J. D.
Cod. Prof. & Ducal. Consist: Assessor,

74.

AD
SOLENNITATEM
SANCTI
MICHAELIS
ANGELORUM PRINCIPIS
ALIORUMQUE BEATISSIMORUM
SPIRITUUM

Summâ cum devotione recolendam,

Omnes omnium Ordinum

Cives Academicos

Amicè invitât, ac seriò adhortatur.



ROSTOCHII,
Typis Hæredum NICOLAI KILII, Acad. Typ.



RECTOR
UNIVERSITATIS ROSTOCHIENSIS
ALBERTUS Willebrand/ U. J. D.

Quoniamq; sanctissimi illius ac primarii Spiritus, nempe Michaelis Archangeli, aliorumq; cœlestium Angelorum naturam, & tùm illius, tùm horum indolem ac genium, vel adumbrare, nè dicam exprimere expeteret; ipse mehercule! non humanâ, sed ipsius Michaelis Archangeli aliorumq; sanctissimorum Angelorum linguâ, ipsorum Seraphinorum ac Cherubinorum ardore flammâq; indigeret. Annè forsan talem Archangelum atq; Angelos tibi finges, quales forsan apud Pictores ac Poetas, sæpius cernere licet? Quibus, uti pusionibus formosulis, vultus illustri fulgore circumfusus, crines in cervicem molliter effusi aurò obryzo flavescunt, & lactei colli nitorem blandissimo favoniorum Spiritu ventilati percùrrunt? Annè tales tibi Angelicos finges spiritus; quibus alæ ex humeris emergunt geminæ: in cœlesti textrinâ concinæ, floridâ viriditate, qualis in Pavonibus esse solet, irradiatæ; & quæ aureò, croceò, puniceò, cæruleò deniq; colore, mirâ admodum temperie variatæ, tot referunt spectantibus pigmenta, quot

quot in Arcu illo cœlesti, cum magnâ animi admiramur voluptate, Annè illos existimabis esse Spiritus, quibus Pictores Tunicam bissinam, elegantissimè confectam, (& quam subtilis denticulati operis limbo, circumquaque excurrans, magnâ vestit cum dignitate,) appingere ac comminisci solent? Absit hæc à te vesania. Talem si Divi Michaelis, aliorumq; Angelorum naturam cogitas, totam vim & illius præcipui Spiritus, & aliorum Spirituum, planè ignoras. Naturam illi subtilissimam, ætheream, quam nulla corporis figura delineat, nulla materiæ labes infuscat, nullus corruptionis nævus aspergit, possident. Et, cum suo supremo Duce, nihil sunt aliud, quam purissimi Spiritus. At quis ille Spiritus? Non ex illò igne delibatus, quò *Sydera volant*, & *sacri torquentur axes*; Sed præstantissimæ ac præcellentissimæ mentis vigor, tantò expressius, ad illud ineffabile, æternæq; pulchritudinis *Exemplar* conformatus, quantò de ejus limpidissimo ac suavissimo fonte propius ac copiosius respargatur. Hinc ille omnium ornamentorum insignis quidam decor, & bonorum immortalis affluentia, quam in DEUM Opt. Maximum, conditorem suum, gratissimæ voluntatis ingenuitate, refundunt. Hinc illa incredibilis Spirituum celeritas, telis ipsis è balistis emissis, aquilâ ipsâ contentissimo corporis nisu, acerrimoq; cupiditatis ardore in prædas ruente, ipsò deniq; fulgure, velocissimè per disjunctissima quæquè, tam brevi momento discurrente celerior; quam celeritatem si cum Angelorum con-

tule-

tuleris celeritate, restudinem cum equò valentissimò
comparabis. Quid verò prius, per DEUM! in his præ-
clarissimis miremur Spiritibus? annè ipsorum intel-
ligentiam? cujus beneficio res omnes, nullò negotiò,
nullò temporis intervallò, sagacissimè pervident; quas
nos humili ex lutò & argillâ ficti, tanto cum labore ad-
discimus, ægreq; ratiotinando colligimus. Annè illo-
rum stupendam cognitionem? quâ illi nunc res in
DEO, tanquam in politissimi candoris speculò vividius
accensas, nunc in se jam remissas, & veluti dilutò vigo-
re, minus acres contemplantur. Annè illorum cogni-
tionis felicissimam constantiam? à quâ, nec ad oculi
ictum, beatissimis istis mentibus, uti à propriâ vitâ, ces-
sare licet. Annè eorundem miræ jucunditatis grati-
am? quos ab ipsis ortus primordiis mirificè à Supremo
Numine nobilitatos, Vasa quædam cristalina jurè di-
xeris, ab ipso Universitatis Artifice comparata, omni-
busq; artis enucleata lenociniis; in quæ immensæ Di-
vinitatis, Divinæq; beneficentiæ rivi, tantâ & tam inu-
sitatâ donorum fragrantîâ depluerent. Annè ingen-
tem ac inexplicabilem illorum gloriam? qui tantarum
amplitudinem gratiarum consequuti, toti sunt, in su-
um benignissimum atq; sanctissimum Creatorem, amo-
ris similitudine transfusi, atq; absorpti. Annè deniq;
Eximium, Nobisq; sumò operè proficuum illorum met
officium? At quis illud obsecro exprimat nisi ille, qui
non humanâ sed Angelicâ est instructus Eloquentiâ?
Quantum nihilominus eloqui mortalium permittere
potest

potest imbecillitas; dicendum ingenuè quod sanctis-
simus Michael post supremum Ecclesiæ præpositum,
DEum videlicet infinitæ majestatis, sic communis Ec-
clesiæ Orthodoxæ tutelaris; quod sit princeps omni-
um Angelorum, qui post illum infelicissimum Lucife-
ricasum, in veritate, in cultu & amore erga DEum su-
um, constantissimi permanserunt; quod sit deniquè
cordatissimus ille ac generosissimus Dux, cui datū fuit
terribile illud nomen. *Quis ut DEUS?* Quam mili-
tarem tesseram, in omnibus suis certaminibus ac præ-
liis, quæ Scriptura Sacra recenset, S. Michael gerens,
illamq; cæteris Angelis velut militibus suis semper assi-
gnans, contra quosvis adversarios gloriam Summi DEI,
strenuè propugnavit, & solius DEI honoris insignis
Zelator, virtute hujus sacratissimi Symboli sui: *Quis
ut DEUS?* maximas, de DEI hostibus obtinuit victo-
rias, ac gloriosissimos de ipsis, qualibet vice, reportavit
triūphos. Et quid jã de aliis beatissimis Spiritibus asserē-
dū erit? sunt fidei terrarū administris; sunt nostræ salutis
propugnatores; sunt depulsores miseriarū; sunt auspi-
ces felicitatis nostræ; sunt Duces, altores, pædagogi,
amore germani, servi obsequiō, auctoritate patres.
Quid plura? O luculentissimum Divinæ liberalitatis
erga nos documentum! quod nempè tot purissimo-
rum ac ab omni labe corporeâ secretorum Spirituum
myriades, nō solum in nominis sui sacratissimi celebri-
tatem, sed etiam in ministerium & officia nostra crea-
verit. Qui, non obstante naturæ suæ Angelicæ eminenti-
tiâ,

ciâ, nobis; & quibus nobis? ex imbecilli corpore côm-
pactis, fragilibus, nudis, suapte naturâ inermibus, alic-
næ opis indigentibus, ministeria saluberrima ac fidelis-
sima exhibent. Illos nobis (ô immensam gratiam.)
maximus mundi Opifex, ab ipso vitæ exordio, continu-
os, vitæ custodes clementissimè adjunxit, & illis ipsis
seriò mandavit, *ut custodiant nos in omnibus viis nostris. &*
nos in manibus portent propriis; nè forte vel minimum pedis
digitum ad lapidem offendamus. At ô quantam nobis (uti
cum mellifluo Bernhardo Serm. 80. loquar) Divinum
hoc munus, prò Angelorum præsentia debet *inferre re-*
verentiam? quantam prò eorum benevolentia afferre
devotionem? quantam prò eorum fidelissima custo-
diâ conferre fiduciam? O quam magna, (ut cum D.
Hieronymo super Matth. 8. scribam) dignitas anima-
rum fidelium, ut una quæq; habeat ab ortu nativitatis,
prò custodiâ sui, Angelum deputatum. Quemadmo-
dum quidam Poeta Christianus piissimè cecinit:

*Grandis honos animæ est quod quævis una ministrum,
Custodemq; sui, de cælo, nacta sit unum.*


Quis etenim, ex hominum ordine reformidare poterit
aliqua pericula? si jam eorum spirituum stipetur præ-
sentia, quorum vel ipsum vocabulum, non tam naturæ
quam officii esse, eleganter Gregorius in Homil: affir-
mavit; qui (ut Isidorus de summo bono inquit) sunt
ministri Dei, & ex Divino mandato sunt Ministri no-
stri; sunt corporum nostrorum tutores; sunt ad mini-
sterium humanæ salutis destinati; ut omnia admini-
strent,

strent, & regant, jussu solius Dei; qui non contentus
murorum (ut Bernhardus more suo eleganter Serm. 12.
in Psalm. 91. scribit) fragilitate, illis ipsis, quanquam ho-
minum custodibus, Angelorum supposuit custodiam;
qui uti excubitores vigilantissimi, viribusquè divinis
præditi, nostro semper adhærent lateri; dicta, facta,
consiliaq; nostra, ad optimum dirigunt finem; in peri-
culis infinitis ac calamitatibus, (quibus expositi su-
mus,) nos potenter defendunt, strenuasq; contra Dia-
bolorum, aliorumq; hostium insultus, nobis præbent
suppetias. Quod, si quis temerè indubiū vocare audeat:
Dicat quæso qui Lothum, cum Deus Civitates, Sodo-
mam ac Gomorrhæ, igne & sulphure subverteret, ex
flammis ultricibus incolumem eduxerunt? Spiritus
Angelici. Qui Viros tres à Rege Nebucadnezare vin-
ctos, & in medium ignis projectos servarunt; ita ut nè
capillus capitis eorundem, à flammâ tangi potuerit?
Spiritus Angelici. Qui ora Leonum obturarunt, nè quid
Danieli in foveam eorum coniecto nocere potuerit?
Spiritus Angelici. Qui Petrum catenis obligatum cin-
ctumq; militibus solverunt, & ex carcere salvum extra-
xerunt? Spiritus Angelici. Qui sunt, qui tot flagitia, tot
dedecora, tot discrimina à nobis avertunt? Spiritus
Angelici. Qui sunt, qui Regna, urbes, oppida, pagos,
homines, ab omnibus infortunis, mandato DEI, præ-
servant, qui è bellis truculentissimis, Respublicas vin-
dicant? Spiritus Angelici. Prò quorum fidelissimâ &
assiduâ custodiâ, Supremum illum ac clementissimum
DEUM

Deum religiosissimè adoremus, ardentibusq; eundem
solicitemus votis, nè nobis, ob nostram ingrati-
tudem atq; impietatem, Angelicorum horum ministro-
rum, tutelam proficuum, tutelam preciosissimam, tu-
telam suavem & jucundam subtrahat. Nè autem Nos
ipsi, propriâq; culpâ, à tam dulci ac conducibili Ange-
lorum Sanctorum consortiô, divortium faciamus. Vi-
vamus in primis, in continuâ peccatorum pœnitentiâ;
*quia gaudium est in caelo & coram Angelis, vel unicô pecca-
tore respiciente.* Agamus CIVES ACADEMIÆ vitam,
virtutibus, quib; integerrimi Angeli delectantur, con-
spiciam. Caveamus omnia scandala, nihilq; magis,
quàm impuritatem, contumaciam, superbiam, lu-
xuriam, aliaq; crimina detestemur; (à quib; maximo-
perè mundissimi hi spiritus abhorrent, divinitus atq;
cœlitus, ad nostra, in hâc caducâ miserâq; Vitâ, obse-
quia deputati; ut eosdè, in illâ quoq; æternâ, nulloq;
felicitatis modo circumscriptâ vitâ, indivulso, atq; in
omnem ac immensam æternitatem, socios habeamus;
ut incomprehensam illam Majestatem Divinam, simul
cum lucidissimò eorundem chorô celebremus, canen-
tes illud in sempiterna secula *τὸ αἰώνιον. Sanctus, San-
ctus, Sanctus, Dominus DEUS Zebaoth.* P.P. Rostochii
sub Sigillo Rectoratus, ipsò sanctissimi Michaelis
die, Anno Salvatoris 1660.



strent, & regant, iussu solius Dei; qui
murorum (ut Bernhardus more suo
in Psalm. 91. scribit) fragilitate, illis ipsi
minum custodibus, Angelorum sup
qui uti excubitores vigilantissimi, vi
prædici, nostro semper adhærent lac
consiliaq; nostra, ad optimum dirigu
culis infinitis ac calamitatibus, (qu
mus,) nos potenter defendunt, strenu
bolorum, aliorumq; hostium insultu
suppetias. Quod, si quis temerè indubi
Dicat quæso qui Lothum, cum Deus
mam ac Gomorrhæ, igne & sulphur
flammis ultricibus incolumem eduxit
Angelici. Qui Viros tres à Rege Neb
ctos, & in medium ignis projectos ser
capillus capitis eorundem, à flammâ
Spiritus Angelici. Qui ora Leonum ob
Danieli in foveæ eorum coniecto n
Spiritus Angelici. Qui Petrum cateni
ctumq; militibus solverunt, & ex carc
xerunt? Spiritus Angelici. Qui sunt, qu
dedecora, tot discrimina à nobis ave
Angelici. Qui sunt, qui Regna, urbes
homines, ab omnibus infortunis, ma
servant, qui è bellis truculentissimis,
dicant? Spiritus Angelici. Prò quor
assiduâ custodiâ, Supremum illum ac



the scale towards document

076

Image Engineering Scan Reference Chart TE203 Serial No. 076 Patch reference numbers on UTT

tentus
erm. 12.
am ho-
odiam;
divinis
facta,
n peri-
fici su-
a Dia-
æbent
udeat:
Sodo-
ret, ex
spiritus
re vin-
a ut nè
erit?
è quid
erit?
m cin-
extra-
ia, tot
piritus
pagos,
i, præ-
as vin-
imâ &
imum
DEUM